



# Koviti Faifaiga visa ko pono

Te Temporary Activity visa (subclass 408) a te Mālo Ausitalia ne fakatalia mo taimi o te vaelesi (vaelesi ko te COVID-19)—te Faifaiga Koviti visa—ka pono.

Mai te po 2 Setema, 2023, te Faifaiga Koviti visa ka matala loa mo tino kola e nofo mo visa konei i taimi o te famai. Kafai koe e isi sou Faifaiga Koviti visa, e mafai ne koe o maua se isi vaega visa mai tua o te po 2 Setema 2023 ke oko ki te taimi e pono ei i te po 1 Fepuali 2024.

A tino katoa loa e nofo mo nisi vaega visa ka se mafai o fakatagi ki vaega Koviti Faifaiga visa mai tua o te po 2 Setema 2023.

A vaega o te ponoga:

- A visa katoa kola ne ave mai tua o te po 2 Setema 2023, kafai ne talia, ka mafai o nofo i luga i Ausitalia ki se 6 masina
- Sose fakatagi ne ave ite po 2 Setema 2023 io me maitua ifoa ka isi se togi tela e fakaigoa ki te Visa Application Charge (VAC) AUD405.00
- Te Koviti faifaiga visa ka pono mo fakatagi fou mai tua o te po 1 Fepuali 2024.
- Ite taimi e fai ei tau fakatagi e 'tau mo koe o nofo mo se Koviti Faifaiga visa tela e oti tona malosi i lalo ifo o te 28 o aso, iloa te 90 aso tela ne fai atu mua.
- Sose fakatagi mai mua o te po 2 Setema 2023, kafai ne talia, ka fakasoko loa mo se leva e 12 masina (io me 2 tausaga mo tino e nofo mo TGV).
- tau Koviti Faifaiga visa ka oti tena malosi i taimi e tusi mai iei io me ko taimi e maua ne koe se sua visa.

## Kaia ko pono ei te Koviti Faifaiga visa?

Te Koviti Faifaiga visa ne tala ia Apelila 2020 ke mafai o nofo a tino se nofo tumau iluga i Ausitalia koi pono ei tuakoi. Ne mafai foki o fesoasoani ki te se lava o tino galue i sekita tāua iloto i Ausitalia.

Nei a tuakoi o Ausitalia ko matala kae ko taulasiga o tino e nofo mo visa penei ko foki loa ki te fuainumela koi tuai o pisi te koviti tela ko sē manakogina te Koviti Faifaiga visa.

Te ponoga o te Koviti Faifaiga visa ka fakasoko ki se isi vaega faifaiga tela e fakatonutonu fakalei a visa ke atafai te aofaki o tino se nofo mau e mai ki loto mo tua o Ausitalia.

Ka fesoasoai ko tino ke mafai o fakatagi ki visa kola e fealofani mo pogai e mai ei latou io me nofo ei latou i Ausitalia.

Te ponoga tenei ka fakamalosigina ne ia te lei saukatoa o te faifaiga visa. A tino fakagalue kola e sala ne tino galue ka mafai o fakaaoga te visa tenei ke se togi ne latou tou visa, ko lavea te lasi o

tino ne aumai ki loto i Ausitalia kola ne manako ke fakatagi ki te vaega visa tenei. Te tokoukega o tino iloto i faiakoga gana Peletania, kola taulasiga ne tamaliki ne mai loa o akoga mai tua atu o Ausitalia kae ko se akoga iei mana oko mai ki Ausitalia.

## **Te sua vaega e tau o fakatoka mo latou e nofo i visa penei**

Kafai e koe e nofo mo se Koviti Faifaiga visa ko tau nei o fakatagi koe mo se visa tela e autu ki te pogai e nofo ei koe i Ausitalia nei io me ko tau o fakatoka koe o tiaki Ausitalia.

Io me mafai koe o fano ki loto i te fakatokaga a te koga fakamaoni visa online (VEVO) o aasi te tulaga o tou visa, asi [www.homeaffairs.gov.au/vevo](http://www.homeaffairs.gov.au/vevo).

Ka mafai koe o fakatagi mo se isi visa mai tua o te po 2 Setema 2023, ke oko ki taimi e pono ei te vaega visa tenei ite po 1 Fepuali 2024, kae tau o oti tena malosi mai mua o te 28 o aso te malosi o tau visa Koviti Faifaiga visa.

E tau loa koe o nofo i se visa ke se pokotia koe i tulafono manafai koe fia nofo loa iluga i Ausitalia. Kafai e seai se visa o koe ka mafai foki o pokotia tou toe vau ki Ausitalia.

Kafai e koe e manavasē ona ko tou visa ka oti tena malosi io me ko oti tena malosi sokotaki ki te Matagaluega o Status Resolution sevesi me mafai o fesoasoani atu kia koe. Koe e tau o fesokotaki kia latou i meli iti [www.homeaffairs.gov.au/csrs](http://www.homeaffairs.gov.au/csrs) me telefoni ki 131 881 (Asogafua ki Asolima 9 am ki te 5 pm).

## **Nisi mea ka fakatokagina ne tino fakagalue ki te ponoga o visa konei**

Tino ne fakagalue ne latou tino i lalo o te visa Koviti Faifaiga visa e tau o asi me nea palani a lotou tino galue, e aofia ei me ko latou e manako ki se isi visa io me ko fia olo ki tua o Ausitalia.

E tau o fakasoko te taimi nofo koi tuai o oko ki te ponoga o te visa, tino fakagalue ne latou a tino ilalo o te Koviti Faifaiga visa ka uke atu lotou taimi e faka avanoa mo sala ne tino galue fou.

Ko te tiute o tino fakagalue ke iloa ne latou me ko tino galue a latou e isi ne visa, kafai e se fai lotou tiute konei ka sala mafa.

Tino fakagalue e fakamalosi ke fakaaoga te [Visa Entitlement Verification Online \(VEVO\)](http://www.homeaffairs.gov.au/vevo) faifaiga ([www.homeaffairs.gov.au/vevo](http://www.homeaffairs.gov.au/vevo)) ke asi ki fakanofonofoga o visa mo taimi e oti ei malosi o visa o sose tino galue tela e seai se sitiseni. Ka manakogina se taliaga mai au tino galue muamua.

## **Mo nisi fakamatalaga**

Mo nisi fakamatalaga e uiga mo te Koviti Faifaiga visa io me sose vaega visa Ausitalia asi kite: [www.homeaffairs.gov.au](http://www.homeaffairs.gov.au)

**Asi ki fakanofonofoga o tau visa:** [www.homeaffairs.gov.au/VEVO](http://www.homeaffairs.gov.au/VEVO)